

1000 Liada

Ganz weid unt oda ganz weid obm
Ganz weid weg zwischen Traum und Zeit
Schweb i abseits vom Leb'm
In ara andan Wirklichkeit

Ohne Drinks und ohne Shit
Alloa im All wiara Satellit
Hob koa Hoamad, koa Bezugsperson
Koa Scheißband, net amoi a Mikrofon

A kloana Fehltritt an da Messerkante
Und schon bine aus da Handlung gfoin
De dümmste Variante war die relevante
Dabei hob i no 1000 Liada-singa woin

Für endlos Streit und Liebesschmerz
Gibts do herübm koa Publikum
Danoch wirkt olles wiara schlechta Scherz
Do drahste im Grob um

Noch am hähan Sinn
konnst imma frong
Oba de Antwort is wiara Schoin
Drum sing I grod mein letztn Song
In derara obgfacktn Gnadenkabeun

A kloana Fehltritt an da Messerkante
Und schon bine aus da Handlung gfoin
Da Doud de Sau kennt koa Verwandte
Dabei hob i no 1000 Liada-singa woin

Es is ois guad wos war
alles wunderbar
Es is ois guad wos wead
nix is verkehrt

A kloana Fehltritt an da Messerkante
Und schon bine aus da Handlung gfoin
De dümmste Variante is a eklatante
wenn 1000 Liada hintn obe foin

Vielleicht bist ja du de nächst Genannte
Und scho wead da 's Dasein gschoin
Vielleicht triffst no a poor bekannte Ausgebrannte
de a no länger leb'm häd 'n soin

de a no länger leb'm häd 'n soin

de a no länger leb'm häd 'n soin...

